

NTLHAKEMO YA SARS E MABAPI LE HO TSHWARWA HA DIKHIPTOKHARENSI

PRETORIA, 06 Mmesa 2018 – Ditshebeletso tsa Lekgetho tsa Afrika Borwa (SARS) di tla tswela pele ho phethahatsa melao e tlwaelehileng ya lekgetho la lekeno hodima dikhriptokharensi mme di tla lebella balefalekgetho ba amehang ho tsebahatsa dikuno le ditahlehelo tsa bona tsa dikhriptokharensi jwalo ka karolo ya bona ya lekeno le lefisiwang lekgetho.

Ke boikarabelo ba balefalekgetho ho tsebahatsa lekeno lohle la bona leo ba le fumaneng kapa le ba hlometseng le amanang le dikhriptokharensi le lokelang ho lefiswa lekgetho selemong seo sa lekgetho. Ho hloleha ho etsa seo ho ka baka hore ho be le tswala le dikotlo.

Balefalekgetho ba nang le qeaqeo mabapi le ditransekshene tse itseng tse mabapi le dikhriptokharensi ba ka fumana tataiso ho tswa ho SARS ka tshebediso ya dikanale tse kang *Binding Private Rulings* (ho itshetlehile hodima hore transekshene ke ya mofuta ofe).

Tlhokomelo e ntseng e ja setsi le maikutlo a fapaneng a mabapi le bokamoso ba dikhriptokharensi e bakile hore ho be le boipiletso ho SARS hore e fane ka ntlhakemo e mabapi le hore ho tla sebetsanwa jwang le dikhriptokharensi ha ho tluwa ho tsa lekgetho. Le ha ho le jwalo, jwalokaha ho supilwe puong ena ya bophatlalatsi ba ditaba, ho na le moralo wa tshebetso o seng o le teng wa lekgetho o ka tataisang SARS le balefalekgetho ba amehang ka ditlamorao tsa dikhriptokharensi, mme sena ha jwale ha se hloke Tsebiso ya Botoloki e ka thoko.

Khriptokharensi (mohlala ke Bitcoin) ke tjehelete e dijithale ya inthanete eo ka ho kgetheha e leng mofuteng o sa tshwareheng ka letsoho. Palo e ntseng e hola ya balatedi ba yona e tshhetsa tshebediso ya yona jwalo ka tjehelete e nngwe e ka lefelling dithoto le ditshebeletso ho tshwana feela le ditjehelete tsa tlwaelo.

Afrika Borwa lentswe lena "tjehelete" ha le na tlhaloso ka hara Molao wa Lekgetho la Lekeno (Molao). Dikhriptokharensi Afrika Borwa ha di sebediswe haholo kapa hona ho amohelwa e le mofuta wa tefo kapa wa phapanyetsano. Kahoo, SARS ha e nke dikhriptokharensi e le tjehelete ha ho tluwa ho tse mabapi le lekgetho la lekeno kapa Lekgetho la Kuno e entsweng ka mora thekiso ya dithoto (CGT). Feela SARS e nka dikhriptokharensi e le thepa e sa tshwareheng ka letsoho.

Le ha e se tjehelete, dikhriptokharensi di ka ba le boleng bo itseng ho fumana bokaalo bo fumanweng kapa bo hlommeng ho latela tlhaloso ya "lekeno lohle" ka hara Molao.

Ho latela melao ya tlwaelo ya lekgetho la lekeno, lekeno le fumanweng kapa le hlommeng ho tswa ditranseksheneng tsa khriptokharensi le ka lefiswa lekgetho akhaontong ya lekgetho e tlasa "lekeno lohle". Ka nqa e nngwe dikuno tse jwalo di ka nkuwa e le tsa mofuta wa tjhelete ho latela tlhaloso ya Sejule ya Borobedi ya Molao bakeng sa tefiso ya lekgetho tlasa kutlwisiso ya CGT.

Taba ena ya hore hlomelo le kamohelo ekaba ke ho fumana lekeno kapa mofuta wa tjhelete, e tla elwa sedi tlasa tshebetso ya molao wa jwale (mme sena se ho tla dula ho buuwa ka sona ho ya ho ile)

Balefalekgetho ba boela ba tshwanelwa ke ho etsa ditseko tsa ditshenyehelo tse amanang le dibokellwa kapa dikamohelo tsa khriptokharensi, ha feela e le hore ditshenyehelo tse jwalo di bile teng ka nako ya tlhahiso ya lekeno la molefalekgetho le bakeng sa kgwebisano.

Ditlhophisobotjha tsa ditjeo tsa motheo le tsona di ka etswa ebang di wela tlasa kutlwisiso ya CGT.

Dikuno kapa ditahlehelo tse mabapi le dikhriptokharensi ka bobatsi di ka behwa mekgahlelong e meraro ho latela tsena tse ka etsahalang, mme mekgahlelo ka mong o na le ditlamorao tse fapaneng tsa lekgetho:

- (i) Khriptokharensi e ka fumanwa ka tsela ya se bitswang "ho maena". Ho maena/rafa hona ho etswa ka tsela ya netefatso ya ditransekshene tse ka hara tshebetso ya dibuka tsa ditjhelete, sena se etswa ka tsela ya ho rarolla dipalo tse rarahaneng. Ka ho netefatsa ditransekshene tsena "morafi" o putswa ka ho ba le dipapetlwa tsena tse ntjha tseo e bang karolo ya dibuka tsa ditjhelete tsa marangrang ana.

Sena se etsa hore hanghang ho be le ho hlomela kapa kamohelo ka mora ho maenuwa/rasha ho atlehileng ha dikhriptokharensi. Sena se bolela hore ho fihlela khriptokharensi ena e ntjha e sa tswa fumanwa e rekiswa kapa e fetolelwa tjheleteng, e tla dula e le setoko sa kgwebisano seo ka mora moo se ka bang mofuteng o tlwaelehleng wa transekshene ya tjhelete (ho latela tlhaloso ya (ii) kapa transekshene ya boananyi ho latela tlhaloso ya (iii) ka tlase.

- (ii) Batsetedi ba ka fapanyetsana tjhelete ya lehae ho fumana khriptokharensi ka ho sebedisa diphapanyetsano tsa khriptokharensi, mme tseo ke mebaraka ya dikhriptokharensi, kapa ka tsela ya ditransekshene tsa praevete.

- (iii) Dithoto kapa ditshebeletso di ka fapanyetsanwa bakeng sa dikhriptokharensi. Transekshene ya mofuta ona e nkuwa e le transekshene ya boananyi. Kahoo, ho tla sebetsa melao e mabapi le ditransekshene tsa boananyi.

Lekgetho la Boleng bo ekeditsweng (VAT)

Tekolo ya tekanyetso ya selemo ya 2018 e supa hore ho tshwarwa ha VAT ya dikhriptokharensi e tla lekolwa hape. Ho latela tlhakisetsa ya leano lena le tlang, SARS ha e no hloka hore ho be le ngodiso ya VAT bakeng sa mabaka a ho ngodiswa jwalo ka morekisi wa phepelo ya dikhriptokharensi.

Ho fumana lesedi le fetang lena boha [dipotso tse botswang kgafetsa \(FAQs\)](#).